

四庫全書

子部

欽定四庫全書

圖書編卷三十九

明 章潢 撰

江西圖敘

江西古揚州地當吳

南直隸

楚閩

福建

粵廣

之交險阻

既分形勢自弱安危輕重常視四方若保境和民則

九江獨據上流牽至沿江州郡且密邇南康濱臨巨

湖

鄱陽湖

盜舟四出不可無備南

南贛州

之間則汀漳

汀州漳州俱

福建屬府

雄韶南雄韶州俱廣東屬府

諸山會焉連州跨境

林谷密茂盜賊之興斯為淵藪故設巡撫重職提師

以臨之袁州地僻長沙

湖廣屬府

逋民客戶頗難譏察而

南昌建昌饒州宗室固在民疲供億視臨

臨江

吉安信

廣撫撫州

諸郡代有加焉故凡江西之民樸質儉苦有

憂勤之思弘治以來賦役漸繁土著之民少壯者多

不務穡事出營四方至棄妻子不顧而禮俗日壞惡

少間出矣

沿革

古揚州地漢領以揚州部刺史唐隸江西道開元中
分為江南西道置採訪處置使治洪州後改採訪為
觀察治仍舊宋置江南西路安撫使以隆興守臣兼
領又置江西提點刑獄司治贛州元於隆興路置江
西等處行中書省及江西湖東道肅政廉訪司本朝
置江西等處承宣布政使司都指揮使司提刑按察
司並治于南昌云

北抵南

抵北東

直隸界



東抵浙江界

東南抵

廣抵南

湘海

大清一統志

圖書

三

直隸界

回并

湖廣界

西抵湖廣界

西南抵



湖廣界

界東

江西等處承宣布政使司治南昌左右布政使二清軍

一左右叅政三

分守二
督冊一

左右叅議三

糧儲一
分守二

領府一

十三州一縣七十三總為里九千九百五十六里半
戶一百五十八萬三千九十七口七百九十二萬五
千八百二十五夏稅米麥八萬八千五十九石五升
八合三勺秋糧官民米二百五十二萬八千三百五
十五石八斗二升絲八千二百三斤絹一萬一千五
百一十六疋布一千三百四十一疋鈔九千九百七

十九錠

江西都指揮使司

隸前軍都督府

都指揮三內掌印一僉書

二會昌鄱湖守備二領衛三

屬所一十五

守禦千戶所一

有二百戶所一本都司所屬馬步官軍一萬二千七

百員名儀衛司二

提刑按察司按察使一副使六

內提學一兵備三清軍驛傳二

僉事

七

分巡五屯田一

分道五

南昌湖東湖西九江嶺北

欽差巡撫都御史一

駐南昌

提督南贛等處軍務都御

史一駐贛
州

巡按監察御史一或清軍一

昌駐南

王府二

淮府

仁七封韶州徙
饒州郡王十

益府

憲五封建昌
郡王三



徽州界

衢州界

邵武界

汀州界

池州界

惠州界

湖口

彭澤

九德

康平

都昌

浮梁

樂平

德興

玉山

弋陽

鉛山

興安

廣信

永豐

新城

建昌

南豐

撫州

金谿

宜黃

廣昌

崇仁

樂安

興國

寧都

石城

瑞金

雲都

會昌

贛州

信豐

龍南



江西各府州縣煩簡

南昌府其名漢豫章隋洪都宋隆興

人皆勞悍相半事煩訟多

其

屬州一縣七附郭南昌

五百九十三里冗訟

新建

二百十四里冗訟

外

豐城

三百七十三里陸冲冗

進賢

二百八里陸冲冗

奉新

一百四十九里僻簡刁

靖安

二十八里貧簡

武寧

五十六里鄙野盜

寧州

九十八里僻刁訟

其形勝

咽扼荆淮翼被吳越江湖之間東南都會其俗講誦

為業衣冠萃止勤生嗇施薄義喜爭

饒州府其名秦鄱陽

多訟尚狡

其屬縣六附郭鄱陽

三百二十

一里外餘干一百五十四里山多盜冲樂平二百四十三里地廣盜多奸偽訟盛浮

梁一百十三里土厚通商不冲德興七十二里僻處山谷安仁八十二里冲淳萬平

六十四里簡其形勝廣谷大川吳楚冠冕洪巖鬱葱叢玉

森秀其俗嘉儒好事文獻相續

廣信府其名唐上饒民近淳訟頗簡冲其屬縣六附郭上饒

一百二十里民淳外玉山六十里刁煩弋陽七十五里刁煩貴溪一百九里刁

煩鉛山五十七里淳煩永豐六十四里多盜刁僻簡興安二十一里煩衝克頑難治

其形勝川源曠遠關防襟帶吳楚閩越之交東南鎮

其俗土風貧薄文風日盛安土重業矜謹節義

南康府其名星渚匡廬

地窄田少民貧事簡

其屬縣四附郭星

子二十外都昌

五十九里地窄民貧

建昌

一百三十七里地惡民強

安義

十四

六里僻

其形勝控五嶺壓三吳匯岷江渚彭澤匡廬奇

秀甲天下其俗淳固樸實土瘠民貧

九江府其名晉潯陽隋九江

民貧土瘠淳奸相半訟多糧少水陸冲

其

屬縣五附郭德化

十六里裁

德安

十八里簡

瑞昌

十四里簡

里簡

十八里簡

其形勝左匡廬右江湖勢擬滇岳衝要

襟喉其俗尚樸崇禮勤耕習書

建昌府其名盱江建

民俗淳厚易治

其屬縣四附郭南城二百

五十三里淳

外新城

七十八里淳

南豐

一百二十一里淳簡頗有瘴

廣昌二十

四里簡糧輕

廬溪

新設

其形勝兩粵七閩相為犬牙五嶺三

吳江山炳靈其俗風氣和平比屋絃誦人物秀特性

悍好爭

撫州府其名吳臨川

訟煩事冗

其屬縣六附郭臨川

四十八里

訟煩外崇仁

二百二十三里簡僻

金谿

一百二十五里僻煩

宜黃

六十八里僻刁樂

安

二百一十里窄東鄉

一百二十里簡僻

其形勝瀕汝為郡居山

川風雲之會介江湖之表其俗民樂耕桑風流儒雅

臨江府其名宋臨江

多訟煩劇

其屬縣四附郭清江

二百五十

三里沿江煩

外新淦

二百二十五里沿江煩

新喻

二百六十里僻簡

峽江百

八十里其形勝碧嶂清江四會之衝其俗尚禮崇德勤

力知分

吉安府其名漢廬陵安成螺川

政事旁午古稱難治

其屬縣九

附郭廬陵

六百

外秦和

二百六十里濱江煩冲

吉水

四百三十里朴淳

沿江三百二十六里永豐三百二十六里安福二百三十里龍泉六十

懈九十七里萬安九十七里永新一百八十三里永陵四十二里其形

勝東挹蒙岡南據牛嶺江山映帶據江上流其俗龐

淳多壽儒術為盛士秀而文民險而健

瑞州府其名唐高安宋瑞陽奸頑嘯聚其屬縣三附

郭高安二百八十里外上高一百六十里新昌一百二十

山民其形勝負鳳山面錦水斷崖深壑遶水環山其

俗務本勤穡樂鬪尊巫不罵於訟

袁州府其名隋宜春

糧多逃久尤甚

其屬縣四附郭宜春

百

五十里

外分宜

一百八里淳簡

萍鄉

一百三十一里

萬載

一百四里僻刁詐

其形勝山水秀麗江右奧區其俗事簡民淳

贛州府其名章貢宋贛城

地險山多盜賊出沒甚時有瘡痍民訟煩甚

其屬

縣十附郭贛

一百一十一里淳簡

外雩都

十四里刁野

信豐

六十里淳簡

興國

七十七里刁

會昌

九里流賊時發

安遠

五里多流賊

寧都

一百一十七里

刁瑞金

八里簡

龍南

五里流賊出沒

石城

十二里簡

定南

新設四里

長寧

新設四里

其形勝山長谷荒江湖嶺海樞鍵其俗火耕水

耨輕生好鬪抗志厲節

南安府其名橫浦

人雜居時有瘴癘民野好訟糧少難徵

其屬縣四附

郭大庾

二十六里半冲簡

外南康

三十二里冲刁

上猶

二十一里半頑山多盜

崇義

七里

其形勝交廣襟喉五嶺最東其俗民氣淳古

士果而義

處置

江西界吳楚閩廣之間土薄民勤俗尚儉嗇頗稱安

壤南昌省會衝繁吉安健訟奸狡至於豪右掣肘田

糧逋負則二郡同也南贛密邇閩廣巢寇時發而贛
當其衝故軍門兵備叅將在焉饒州南枕彭蠡九江
東據上流江湖水寇四出為患而饒郡內有藩封邑
多頑梗瑞州地窄民頑撫州訟繁多盜袁州臨江建
昌廣信頗稱饒富第袁州界湖土民時有爭奪處置
為難故江湖水寇當責撫臣南贛山寇當責督臣有
司又能輕徭薄賦養而教之瘠土勞瘁之民庶幾其
有瘳乎

九江據金陵上游湖口為鄱陽湖綰轂厥險在澤關津
之當警者也其更添海師而耀之武乎玉山為入浙
之衝鉛山當入閩之扼厥險在陸門戶之當嚴者也
亦嘗飭亭郭以示之限乎長寧蓋萬山之中反側子
初定設竄匿其中戍守稍不慎不復蹈寧州之轍乎
是不可不預為之防也

全省險要

江西延袤割屬厯履不類不可詳道今制所分隸大

都境內南壯一千九百里東西一千二百里南昌北負大江依湖東北為饒州盡浮梁東下廣信窮玉山最南南安沮嶺稍轉而西袁州際萍鄉西北則九江界瑞昌此其五大門戶也國家初定天下更置衛所藩屏凡西而南皆設衛如袁如九江如贛而東皆設所如信如饒豈非以楚有洞庭長沙柳衡之險為江上流盜所根盤而東則浙與徽皆平安號無事者可稍簡易為防哉鄱湖固大澤壓四郡之境春夏水溢

渺茫萬頃則波濤蕩漭不可湊泊秋高水落塹埂微露則又千條萬港舟一入其中鬼伏神藏不可周詰而奸民聚居則行賈風泊不可安致甚或剽劫大姓不逞無忌捕急則入匿其中國家巡司之建一省百一十三所而沿湖者一十有四蓋謹之也他諸嶺北邇廣建信接閩皆萬山盤迤官府捕隸足跡之所不能至民窮或負釁逃入其中教之搏噬出入事連數省則彼此相持莫之誰何彼方恃其窟穴而有司又

以逋負急征之無罪虐厲易生其憤心聚而得志其
為隱憂豈可一二數哉其勢非有以剪截之究詰之
則且聚不散此非不見形影露端倪也而言無害者
冀苟安枕耳故江西大勢凡四鄰有警皆所可畏而
湖口尤為咽喉境內有警皆一可慮而贛州尤為樞
機蓋大江之舟入自湖口則乘風南指不啻驚四郡
也倏忽上下一省皆震贛州據上流方舟而北猶建
瓴也而數郡皆糜爛矣正德初年巡按御史臧公鳳

上言四事一謂假兼制以安地方南贛二府接連三省流賊出沒東西北方不相統攝文移約會動淹旬月以致賊多散逸事難就緒今命都御史兼制四省按境府州隨宜調度則奏可施行而其後御史楊公必進亦上疏畧曰南京根本重地淮揚諸衛悉屯重兵所以備淮海也荆蜀江漢會於九江而贛吉撫饒匯于鄱湖口國家於九江開府置衛又置兵備以專守之而湖口曾無一卒之戍非全策也請於湖口增

設一軍而以九江鈔關餘積各置戰船百艘俾相為
應援俾南康黃州二府隸九江兵備而巡江御史得
以往來巡歷則荆蜀諸盜不敢窺九江贛瑞諸盜不
敢窺湖口今南京江口雖有水操不過文具乞命操
江都御史將水軍事宜詳議舉行其安慶九江蕪湖
三處各以時演習水操則水軍可無憂矣江西閩廣
之盜泛鄱湖而登陸則池之建德徽之祁門晝夜兼
程五日可至金陵宜撥新安衛一所屯祁門池州衛

一所戍建德復于要害隘險守以弓兵謹以烽堠則
陸可無憂矣下兵部覆令南京內外守備官及撫按
官會議以聞事竟不行二公慮誠深具于金陵之勢
猶有關涉而楊議竟不見實事宜非所謂冀苟安枕
者哉

防守要害

江西延袤千里疆理而郡者一十有三法制畫一風
俗樸淳垂二百年人庶綏靖宜無他患而乃有如桶

岡姚源之為斯任事者之計失也何者桶岡之徒自
廣而逋耕于橫水雁湖山谷之間其初不過以起生
業資蕃息也後以土地之故與我民邁爭強梁頑悍
日益以甚郡縣吏乃束縛而操切之故彼自棄於我
而阻衆稱亂耳姚源之徒固亦類此是以議者咎時
之失計謂不當以我土地而資逋亡及其邁也又不
當右我人民而督過之苟明其是非順其好惡則彼
之心未必不協于我協於我而政令加焉雖胡越可

使也夫桶岡姚源其往者也橫峯之人自浙而入始
業陶焉氣習頑獷生齒繁多則鼓禍煽爭遂為弋陽
之患正德所專設郡倅分署其地而撫之振以社倉
興以學校譏以保甲削至善也議者猶欲縣其地以
圖久安乃以費之鉅而不果今者桀驁復悖以逞至
執吏而質也夫橫峰其小者也鄱湖匯合三江波濤
瀾漫盜賊舸艦率以為歸遂為豫章諸郡之患國初
常即康山置署設守備以制之協以巡司邏以衛卒

聯以期會制至善也議者又欲鄔子以扼要害乃以地之薄而不果今者桀鷲益肆以橫至殺越人而貨也夫鄔湖其小者也高砂之地山林深阻與岑岡三洲相入其人習於攻鬪而易於駭亂遂為龍南安遠之患正德時因其內附而以新民待之使自保伍而時其調役使自耕鑿而薄其征稅恩意之洽體統之嚴制至善也議者又於羊陂為隘而戍以譏察焉其後譏察漸弛而隘不為賴今者桀鷲遺禍連年至樹

黨而援也夫以勢言橫峯之僑寓不若鄱湖出沒之難窺鄱湖之出沒不若高砂割據之難馴彼之負固已然乃欲以縣一城而制其命愚未見其可也蓋幾有所必先紀綱是也今自時事所見而言則桀驁之徒恒托於市廛而腹心之寄近及乎吏胥况黠戍之頻士有怨心職制之分官無信地紀綱之弛如是盍考諸成制而申嚴之奈何而自弱其弱也夫以類言鄱湖之烏合不若橫峯之保聚橫峯之保聚不若高

砂之遠交彼之觀釁已然乃示之必攻必滅而益堅
其亂志愚未見其可也蓋情有所必明好惡是也今
自時事所見而言則桀驁之徒猶戀其室家而毫髮
之爭遂忘乎黨與故鼓義而動自殲其魁聞檄而泣
自質其文好惡之端如是蓋亦原其舊染而與新之
奈何而必掩其類也

議說營兵

江右承平日久民不知兵邇者吳楚閩粵之間山箐

溪洞之頑乘間竊發往歲流災臨吉諸郡已不勝其
荼毒今思患預防從議請建中營於省會而以遊
擊領之以待東西之應援建東營於南豐而以叅將
領之以固吳楚之門戶建西營於萬安而以守備領
之以控閩粵之襟喉設險守固靡不悉至誠有不戰
而屈先聲而禡者矣但各營召募非土著以之戍守
則歲月之無期餽之糧餉恐供億之難繼故愚以為
禦寇而藉召募之兵則寇未至而我益勞守望而資

土著之民則寇可待而我常逸昔人云屯兵十年五年無益言靡濫之可惜也又曰養兵十萬五萬可去言老弱之當汰也為今之計不必易民而教特教之者無其素耳誠能於精常二兵慎其揀選汰其老弱而後畀之閫師使之更番操練專委任以責成之則人人皆壯勇也何患乎兵之不精哉不必加賦而益之特賦之者無其術耳誠于額編工食取之有時用之有節而實惠於民兵毋令冒破虛耗督逋負而禁

絕之則時時有糗糒也何患乎食之不足哉

議屯田水利

夫江西為衛者三為所者十一而屯軍分隸歲計屯糧八萬六千有奇以克衛所之軍實當大有裨于國計者乃今一軍以上悉仰給於縣官軍未贍而民告病矣嘗求其弊則因冊籍廢久轉相欺隱漫不可詰曰絕伍湮沒也曰猾卒盜沽也曰民田焚錯也曰硤瘠鮮獲也又其甚者有田衛所勢不聯絡如南昌錯

落於東流建德撫州分布于安仁餘干地遠崇曠久
無根柢也兼之督率者役什伍於私門收屯租於已
索致使按圖索糧僅如捕影或者以軍民株連告訐
橫出輒委之不問焉非計之得也昔唐韓重華為營
田使東起振武西逾空州墾田三千八百餘里歲收
粟二十萬石省度支錢二十餘萬緡彼時沿邊之地
皆藩鎮所專猶行之得利若此況江省列在中土清
理見在之田安得倡陳恕不測之言范睢枯牛之說

乎是故按開屯之藉則欺隱之端可求勘原田之界則侵占之跡可檢田有肥瘠則履畝之稅不可以不別卒有老弱則番休之制不可以不明嚴清勾之法則逃亡之數可補申占役之律則私役之弊可革擇賢吏焉假之歲月不事搏擊以需漸理不撓浮議以責成功如是而屯政不修未之有矣江西列郡為州者一為縣者七十有二陂塘無慮數萬有奇以興一方之水利宜大有益於民事者乃今修濬方新而旋

復壅決所在控告者月無虛牘而民事無補矣推原其故則以溝洫久廢互相因循莫為修舉曰富強自為葑殖也曰貧瘠苦於資計也曰勢分而衆心易媮也曰利鉅而當事易撼也又其大者則江湍湖滙勢易毀嚙而平豐等處一決輒數百丈彭蠡四際一漲率為巨浸膏腴汙萊人謀無措也且職水利者奉上官之檄至捉里胥以文應致使旱乾水溢待命於天或者歸諸氣數適然委之無可奈何焉非民之利也昔

唐韋丹為江西觀察築隄捍江為陂塘五百餘所溉田萬有二千頃功德被於八州茲江右之地皆當時故址彼既築以利民若此況于數百載之後求其故智安得藉口於杜亞先事之無功而並棄賈讓之下策乎是故在高原宜鑿池引水以資其利在下濕宜築隄開港以殺其勢門閘不復修舉壩堰之策猶可行也民力宜恤三時務農之後亦可勞也專利之禁必嚴而曲防者有罪議貸之令必申而惰事者無赦

擇賢吏焉專其委任俾利建百年勿惜一時之費計
安萬姓勿恤一人之讟如是而水利不與未之見矣

湖廣圖敘

湖廣古荊州地襄

襄陽鄧

今河南鄧州即襄陽北境

抗其頭顱

黃州

府屬

黃州

引其肘腋江陵

荆州

制其腰腹伸膝向南亦

足以雄是諸州矣鄖陽之保商陝

陝西交界河南地方

郴州桂

本州桂陽縣

之跨閩

福建

粵

辰州沅

沅州

沅州所屬辰州府

之捍蔽雲

貴大江中貫五溪

在常德辰州地方

外錯荆楚扼塞斯其備

馬蓋二儀效靈山川獻秀故王氣獨鍾于潛邸然襟
江帶湖所至民罹水患寇盜亦復乘之過此則永州
寶慶之間謹備苗夷而矧宗藩棊布歲賦實繁楚俗
慄輕鮮思積聚於是四方流民失業者多赴焉故其
民率_{音子}音子偷窳音愈而難治割洞諸蠻<sub>施州及永
保所屬地是方本以漢法羈縻差易馴擾惟永順保靖世席富強
每爭奪獲罪輒假戰功自贖奸謀偏構驕橫滋萌朝
議不明猥加徵發使遠方之民坐困且久而玩敵將</sub>

貽異日之憂謂宜定令毋輒輕發斯則善矣

沿革

古荊州地漢置荊州步刺史領南郡江夏長沙武陵
桂陽零陵等郡國而不常所治東漢荊州初治漢壽
夏治江陵唐貞觀中令以江南道開元間增置十五
道採訪處置使而山南東道治襄陽以諸郡隸之兼
分入點中淮南及江南西道後改採訪為觀察其治
仍舊永泰間始置鄂岳觀察使于鄂州宋置荆湖西

北二路及京西二路安撫司以潭州江陵襄陽守臣兼領又於襄陽衡州潭州各置提點刑獄司元置湖廣等處行中書省及江南湖北道肅政廉訪司于武昌又置荆湖北道宣慰司及江南江北道肅政廉訪司于江陵置湖南道宣慰司及嶺北湖南道肅政廉訪司于潭州本朝置湖廣等處承宣布政使司而安陸州為睿宗獻皇帝藩封於此洪惟我世宗肅皇帝入繼大統遂陞為承天府柱興都焉及置都指揮使

司行都指揮使司提刑按察司而三司並治於武昌
則行都司分治于鄖陽云

北抵河

北抵南

湖廣

直隸界

德安

黃州

漢陽

漢陽

湖廣

岳陽

岳陽

南岳

衡州

永州


郴

東抵江西界

東南抵

南抵廣

廣東界



西北抵

南界



西抵四川界

西南抵

貴州界

西界

湖廣等處承宣布政使司治武昌左右布政二左右

參政四

一抗苗

左右參議五

大和山

一領府一十有五屬州

一十三縣九十三外直隸州三屬縣九里為里三千

四百七十六里半戶五十三萬一千六百八十六口

四百三十三萬五千五百九十夏秋二稅共米麥豆

芝麻二百一十六萬七千五百九十九石絹二萬七

千九百七十七疋布七百五十疋鈔一百七十五貫

湖廣都指揮使司

隸前軍都督府

都指揮三內掌印一僉書

二領衛二十有六

屬所三百三十三宣撫司四安撫司九長官司十九蠻夷官司五

守禦千戶所二十六宣慰司二

屬長官司八

又勛陽行都

司領衛七

屬所三十

守禦千戶所八本都司所屬馬步官

軍舍餘七萬一千六百餘員名留守司一儀衛司十

一

提刑按察司按察使一副使十三

常鎮通大兵備二撫民一提學一

僉事六 分道七

武昌一下荆南

荆西 上荆南 湖北 上湖南

下湖南

欽差巡撫都御史一

駐武昌

提督鄖陽都御史一

駐陽 鄖 平蠻將軍總兵一 巡按監察御史一 或清軍

一 俱武 昌

王府八

楚府

高六封武昌護衛 一 郡王十三

遼府

高十

五封廣寧徒荆州二 千石 郡王十九

岷府

高十八封岷州改雲南徒 武四 千五百石 郡王

十 襄府

仁五封長沙改襄陽 護衛一 郡王四

荆府

仁六封建昌改蘄 州護衛一 郡王

六 吉府

英八封長沙 郡光化一

榮府

憲十二封常德 德 郡王五

景府

新封制 侯考

湖廣各府州縣煩簡

武昌府其名鄂渚漢江夏吳武昌淳煩其屬州一縣

九附郭江夏六十三里外武昌三十九里嘉魚十二里

蒲圻三十里咸寧十六里崇陽十六里通州十五里

興國州四十六里屬大冶三十九里通山六里其形勝

江漢為池吳楚襟帶其俗啾窳偷生而無積聚尚朴

崇鬼力本好文

承天府其名古郢中後周石城唐富水民淳地簡其

屬州二縣五附郭鐘祥

一十一里
里冲煩

京山

二十一里
水陸冲

潛江

二十三
里煩

荆門州

六十四
里

屬當陽

五里
僻淳

沔陽州

六十四
里冗冲

屬

景陵

三十六
里冲煩

其形勝上接漢江下連湘水舟車往來

水陸之衝其俗質直少文古風遺事有白雪陽春之

美

黃州府其名齊安隋永安

民刁悍健
訟難治

其屬州一縣七

附郭黃岡

八十六里
民刁悍甚

外蘄水

七十六里好
訟刁煩冲

羅田縣

四十

九里山多田
少民野好訟

麻城

一百三十里務
耕讀刁煩冲

黃陂

四十七里
近河刁冲

蘄

州六十四里屬廣濟五十三里黃梅四十二里其形勝地

連雲夢城倚大江山川相繆淮楚之交其俗淳質儉

約民有魚稻之利田事不修

荊州府其名郢都秦南郡唐江陵宋荆南四通八達最冲其

屬州二縣十一附郭江陵一百二十二里公安三十里石

首三十一里民淳訟頗煩監利三十一里松滋二十一里枝江八里

夷陵州七里屬長陽三里僻宜都遠安二里

半歸州六里民碩稍簡屬興山二里僻巴東九里半其形勝距

三峽介重湖江漢之間四集之地其俗敬鬼重祠十
年一佃質直好學衣冠淵藪

襄陽府其名襄陽

近臨江漢
淳悍相半

其屬州一縣六附郭襄

陽

三十五
里煩

外宜城

十七里
淳冲

南漳

三十五
里刁簡

棗陽

四十五
里冲淳

頑相
半

穀城

四十八里
冗淳頑半

光化

三十七里
淳頑相半

均州

二十九里
淳頑相半

冗

其形勝跨荆蜀控南北接宛許扼關洛橫大漢以

為池面崇山以為固其俗江漢好遊尚文習侈信鬼

淫祀好楚歌居室編竹代瓦

漢陽府其名漢陽

山川平易多訟

其屬縣二附郭漢陽

十九里田

少湖多冲漢川

八里田少湖多刁

其形勝江漢朝宗于海前枕蜀

江北帶漢水路通荆雍控引秦梁其俗信巫淫祀力

農業漁

德安府其名宋安陸漢東其屬州一縣五附郭安陸

七里淳

外雲夢

四里民頑厚簡冲

應城

八里簡冲

孝感

二十九里刁冲頑

隨

十六里險州隘淳簡

屬應山

十里淳簡冲

其形勝控荆衡枕沮水

介襄郢田安之間岩石狹隘道路交錯秦頭楚尾為

一都會其俗喜儒尚義土風醇厚

鄖陽府其名古錫冗隋鄖鄉

土薄民淳好訟

其屬縣七附郭

鄖四十一里煩冲

外房

三里僻刁

竹山

四十九里僻簡

上津

六里僻刁

竹溪

七里

峻險 淳

鄖西

五里山險淳

保康

六里山險淳

其形勝楚蜀咽喉之

會其俗勁悍決烈其秦楚之俗

岳州府其名巴陵宋岳陽冗其屬州一縣七附郭巴

陵五十七里冗煩

外臨湘

八里冲刁

華容

二十里

平江

五十里刁猾煩

澧州

三十二里朴險頗煩

屬石門

二十五里刁簡

慈利

五十八里民淳

安鄉

十二里冲

頰 其形勝左洞庭右彭蠡倚連岡面長江其俗尚義
好文刀耕火種網罟為業

長沙府其名星沙熊湘三湘民多頰其屬州一縣十

一附郭長沙三十五里民頰狡猾頰善化二十里地簡頰外湘潭二十里

狡猾湘陰四十六里好訟刁寧鄉七十二里秦薄刁瀏陽七十一里悍狡猾頰醜

陵二十八里簡益陽三十三里狡刁湘鄉七十二里好事刁攸四十五里尚氣刁

安化十九里淳簡茶陵州五十里頰其形勝依負喬嶽襟帶重

湖其俗純朴清慧好文尚義

寶慶府其名吳少陵唐少陽其屬州一縣四附郭邵

陽

四十六里民強悍險

外城步

十三里半有瘴

新化

二十六里民刁

武岡州

四十

二里有瘴民淳薄苗

屬新寧

八里半有瘴簡少訟

其形勝九疑三相上游

距洞庭連五嶺其俗尚義喜直節儉朴淳

衡州府其名湘東衡陽隋衡山其屬州一縣八附郭

衡陽

五十二里尚禮水陸冲煩

外衡山

二十一里頑冲

耒陽

三十八里淳煩

常寧

九里 安仁

二十八里冲

郵

十九里淳簡冲

桂陽州

六十三里淳簡煩

屬臨

武險三十四里山川要淳有瘴

藍山

二十八里冲淳簡有瘴

其形勝傍湘江

背蒸水引交廣連嶮峒山水甲天下其俗民豐土閒
漁獵為業尚農力桑刀耕火種

常德府其名漢武陵義陵常武其屬縣四附郭武陵

四十五里

淳冲煩

外桃源

五十二里

龍陽

二十九里

沅江

五里其

形勝包洞庭控五溪三十六天別為一天其俗漁獵

山伐信鬼好巫

辰州府其名陳沅陵唐廬溪西陽

山川險峻淳

其屬縣六

附郭沅陵

五十八里

外廬溪

十二里

辰溪

八里

淑浦

三十里

險峻

沅州

二十六里

屬黔陽

二里

麻陽

七里險峻與苗雜處僻簡

其形勝諸蠻咽喉武陵障蔽重同複嶺地連巖洞其

俗巴渝同俗信鬼淫祀刀耕火種

永州府其名漢零陵晉營陽

山川險易

其屬州一縣六附

郭零陵

二十八里冲淳

外祈陽

十三里民頗惡

東安

八里險淳僻

道州

十三

五里山險地豐民淳煩僻

屬寧遠

六十三里山險有瘴刁煩

永明

十八里瘴淳

江華

四里瘴淳

其形勝南九疑北衡岳接五嶺湊三相控百粵

瞰重江其俗參越兼蠻風淳信鬼

靖州其名宋渠陽

二十九里山多
高深有瘴刁煩

其屬縣三會同

十二

八里通道

五里有瘴民薄

綏寧

三十五里瘴多
民悍冲煩僻

其形勝據夷播

叙三州之境牂牁武溪之間百蠻襟喉辰沅寶武之

藩籬其俗要約以木鐵為契淳儉尚鬼

郴州其名漢桂陽郴江

山川有瘴刁

其屬縣五永興

二十里瘴

淳宜章

七里興寧

十五里桂陽

十五里

桂東

五里

其形勝山竒

變水清瀉引衡岳帶九疑其俗脆薄愿朴魁竒忠信

施州衛

二里

領民軍千戶所一曰大田宣撫司四曰施

南三里曰散毛

三里

曰忠建曰容美又安撫司八長官司

七又隸容美之長官司四其形勝山明水秀巴荆之
會其俗離夷獠近華風伐木燒畬捕獵魚獸男不裹
頭女衣花巾

永順軍民宣慰司

二里

隸湖廣都司領州二長官六其

形勝東抵荆湘西通巴蜀南近辰陽北距歸峽其俗
短裙椎髻齋出槃瓠銅鼓祀神常帶刀弩刻木為契
五色為衣

保靖州軍民宣慰司一里隸湖廣都司領長官二其形

勝四山環抱澗水中流其俗刀耕火種喜食腥膻

湖廣承宣布政使司領府十五曰武昌鄂渚江夏鄧州北新州武

昌軍武昌路武清軍淳煩衝曰漢陽江夏郡沔州漢陽郡裁多訟曰黃州齊安

寧樂陟城西陵重慶西湯衡州曰承天鄧中雲杜南

永安黃州路刁悍健訟難治司北新鄧州

石城富水民淳曰德安安陸漢東荆州澤藪雲夢南

地簡饒瘠相半司安滇州安黃接度宣威安

遠軍曰荆州鄧都南郡江陵荆南新郡重

簡淳鎮南都荆湖中興路衝難治曰岳州麋

羅國巴陵岳陽長沙郡建曰鄖陽裁減土薄民

昌巴郡華容軍冗衝疲曰襄

陽荆州治南雍州襄州山南道行台忠義軍襄陽路曰辰州沅陵長沙武陵盧溪西陽江口

荆州路州曰常德武陵黔中建平武沅朗三州義陵常德武王武順武平常德軍曰

衡州湘東長沙桂陽湘廣二州東衡州衡陽衡山衡州路衡繁曰永州零陽管陽衡淳豐

曰長沙荆楚黔中湘州星沙熊湘三湘潭州欽化武安軍曰寶慶邵陵資江建州南梁

州邵州敏州二曰郴州桂陽郴州路山川山有瘴刁一十四里曰靖州

黔中溪峒誠州靖州渠陽山多高深有瘴刁煩初置十四府嘉靖龍飛升安

陸州為承天府置鍾祥縣而割荆門州沔陽州縣附

屬之是為十五府

處置

湖廣襟帶江湖澤多田少民俗慄輕鮮思積聚且道
通九省冠蓋輻輳郵驛苦之即今宗室日繁徭賦日
重採辦之後財力愈難故其民率詣竄而難治此其
大較也武漢德安民貧地瘠承天陵寢所在費冗事
繁荆岳潛沔之間頻遭水患盜且乘之近日鄖襄大
水盡損因廬則又向來未有之變長沙地雖稍沃稅
糧甲於他所黃州澆頑常德困憊辰沅半為賊穴麻

陽溪洞諸蠻連結永保每肆劫爭去歲支羅之害實緣於此長永僻饒寶慶簡靜庶幾可為非復曩時比矣加志窮民者其尚思援拯之策也

形勝

江陵楚所都古為霸國大江居其前漢水經其後經云更有江陵楚兩都從來只霸圖是也

議處湖課

楚湖池最多舊屬課程久多湮塞地極肥饒乃皆為

豪富所有其冊歷可考也

議處水患

楚之水有三曰九江曰岷江曰漢江而漢水之患為甚此無他以東西無所洩而且值泥沙之易淤也今之議江者在捍禦而以施之漢水則難矣必也疏水甯之水則上流易行間沙洋之口則下流易達此治水之策也

議處楚邊

楚之邊有三曰靖州曰清浪曰鎮筧而鎮筧之地為要此無他以川貴相株連而且當麻陽之出沒也今之議苗者在防守而以施之鎮筧則舛矣必也離哨兵土司之糾結則黨援可孤清永順保靖之逋逃則奸慝易息此治苗之一策也

楚均田議

楚疆遼遼度一邑地可當東南一大郡當天下定井廬寥濶原野荒穢故經界靡及焉計今關地十倍

徒於國初而藉額歲縮德靖以來遞削至數十萬夫
土無盈虛避新闢之稅匿已定之田此大不均者一
鄂州中廬沙羨常武南交廩蕪之間皆諸侯王封國
也分茅之始錫以土疆其籍藏於內府有司不得窺
虞芮之田往往沒入其國比於湯沐食邑不可勝數
皆各為私奉養焉不關於天下之經費此大不均者
二楚故饒湖利而滄桑徙易靡常昔為道茹今稱沃
行者不啻萬萬荆郢尤甚大姓與游民強有力者據

之計畝歲入數鍾專其厚積坐搜齊民食亡租稅而
苦積逋者曾不得以塗足而收半穗彼獨非王事哉
而更不敢問如河南南陽此大不均者三屯非獨楚
有也而楚之屯非昔之屯矣按制每軍給屯五十畝
有奇今屯浮者什伯其額此非獨依山濱水之地耕
新墾遺也蓋亦占射焉夫屯軍不能世其業輒質之
民民利其賦薄無他役即以已所有之民田更籍為
軍歷數十傳不可窮竟所謂民竄於屯屯竄於民者

非耶此大不均者四先是山澤之羨率棄不理今則
臯隰原阪耕者鱗集甚至叢菁幽華人力所不能通
者亦皆累累象耕鳥耘稱常稔焉乃聽其封殖自利
幾世幾年不問所收此大不均者五五者弊也而非
所以弊也其失在庸有司與舞文之吏不軌之民曰
飛詭曰影射曰懸虛曰那移曰隱沒曰兼并其奸狀
若蝟毛務欺謾以逃其課以故富者連阡陌而嫁稅
於貧貧者或不厭糠粃而代富人輸此大不均者六

故曰今日田賦之當均未有甚於楚者也請即一二
所目覩者商之兼併濫冒詔旨常懲之而今偷翫繩
約狃習故智者何衆也楚諸侯王誠賢顧貴倨不習
外事閹監取累代國奪者以為故籍而豪氓巨隸挾
高賢以相夸詡不可殫記彼單門層戶僅僅以身守
世業者百無一焉豈惟違兩觀之束偏有司之權將
漫恣恩澤之謂何矣宜令憲使者明敕條章無論士
若民按一切匿產亂籍隱畝避役之罰廉其尤者下

之吏以顯示天子旨夫然後做限田均田之議以稍
品節之法庶幾可守哉墾荒招流詔旨嘗督之而今
草莽封盈戶口銷亡者何衆也考之令甲荒間以業
貧民占籍以附流徙畸零以寄寒細良規美政邇來
里社漸縮於舊占籍畸零百不存一而墾田之數率
皆便文以罔上則勸罰之未明而招徠之未至也夫
荒間易闢而不易守亡徙易還而不易安鑄銓未施
有司已履畝而稅之煬突未黔有司已按籍而驅之

民是以憚於歸耕而溺於偷惰有田卒汙萊耳宜嚴
飭所司嚴偽增之罰科重開疆之勸格土曠矣召田
以廣其來召佃矣免租以固其存免租矣弛役以優
其力則歸耕之民纍纍而至而地力有不盡者否也

全楚習俗

全楚之賦各郡不同然傳有之田下而賦上者人功
修也又曰率賦上下是賦之第一等也楚之人功在
夏時不為之情土之田稅在夏時不為之腴曰田腴

者自人功之修始也今乃田腴而民情焉是所甚可
念也即是而湖塘戶口可知也全楚之俗各郡不同
然志有之曰民淳而事簡民之淳自不見其事之多
事之簡並可見其民之淳曰悍戾者自風尚之會始
也今仍慄疾而無畏焉是所甚可慮也即是而寇竊
詞訟可知也所以然者何也全楚之域俗其五方而
地聯八省者也魚稻麻縷之所出舟車貨利之所經
故不知耕織之勞兼併之所富田里之所殖故不知

鄉遂之樂不知耕織之勞者多為豪民即游民皆坐而衣食者也以坐而衣食之人不聞力田尚農之政則農桑之民日寡富民有田而無丁貧民有丁而無田富為貧者逋逃之藪而檄其鬻售知兼併而不知盡地之利貧為富者佃作之客而終運地方知苟活而不知盡農之功吾見田賦弊滋逋負自積水政多缺陂塘不修富不增丁貧者愈耗是以田賦也湖塘也丁口也其所以多負所以無備所以虛耗其原實

出於一也都鄙為民藏息之藪故多以書數文法為
終身之技鄉遂為民誇詡之地故多以道卒胥徒為
里巷之榮自身寄窟穴而木訥者變為强悍之民自
身習文法而淳朴者變為剽輕之民非恃其強即恃
其智皆痼於習尚者也以痼於習尚之民而不聞孝
弟興行之教則薄惡之風日熾剽悍之所引即游手
之徒窟穴之所與即豪右之侶游手衆而無所忌憚
豪右結而日行其私無知者為悍戾不顧者為攘竊

不畏者為許訟者以風俗也詞訟也所以悍戾所以
克斥所以繁多其原亦出於一也力田尚農之政既
不修矣而吏於下者以繭絲為稽績之課不從則橫
征而痛警之警之是也然此所以勝民非以裕民也
孝弟興行之政既不修矣而吏於下者以刑獄邀公
法之民不從則鍛鍊而周納之納之是也然此所以
服人非以養人也吏治至此亦無惑乎其然也豪游
習聽之人久成氣習而長吏之至乃務徼聲名以汲

汲遷去之官而馭久成氣習之民間有欲使田里以
安其業仁讓以綴其恩以求為循吏者而或歎其時
有所不暇也不然則炫能伐異之政急疾取辨之時
而有曰力田有曰孝弟非遷即偽聽令之人且掩口
而笑而宋時力田民之最勞孝弟匹夫匹婦所不悅
且宜其然矣

賦役議

荆湖之民情者不能耕而本業日虧貧者不知販而

生計日縮其駑鈍者甘於為傭而驚悍者流而為劫
於是賦之不知盈其額而役之有不能任其力者矣
為今之計富則畧倣建中兩稅之移意戶無主客以
居為簿丁無上中以產為差不至如陸敬輿所謂計
估筭緡失平長偽挾輕資者以徙而為脫敦本業者
以在而倍誅其亦可以均賦乎役則踵行熙寧僱役
之成規官任其募而橫費省民出其直而休暇多不
至如馬端臨所謂睥睨朶頤徵求凌蔑官以役之貧

富為宦況之豐嗇戶以差之繁省卜家道之衰隆其
亦可以均役乎嗟乎會計之目唐獨精於東南以兵
資徧也差役之條宋獨詳於荆湖以民力薄也由吾
二者之說酌而行之一年而事役均十年而庶功興
其或可以有效於今乎



圖書編卷三十九